

## LEWIS (neu LEWES), DAVID (1520? - 1584), prifathro cyntaf Coleg Iesu, Rhydychen

**Enw:** David Lewis  
**Dyddiad geni:** 1520?  
**Dyddiad marw:** 1584  
**Rhiant:** Lucy Wallis (née Lloyd)  
**Rhiant:** Lewis Wallis  
**Rhyw:** Gwryw  
**Galwedigaeth:** prifathro cyntaf Coleg Iesu, Rhydychen  
**Maes gweithgaredd:** Addysg  
**Awdur:** Thomas Iorwerth Ellis

Ganwyd yn Abergafenni, mab hynaf Lewis Wallis, ficer Abergafenni a Llandeilo Pertholau, a Lucy ei wraig, merch Llewelyn Thomas Lloyd o Fedwellty. Addysgwyd ef yng Ngholeg All Souls, Rhydychen; graddiodd B.C.L., 1540, a D.C.L., 1548, a gwnaed ef yn gymrawd o'i goleg. Bu'n brifathro New Inn Hall, yn feistr yn y siawnsri, yn aelod seneddol dros Steyning ac yna dros sir Fynwy : yna, am flwyddyn (1571-2), yn brifathro Coleg Iesu. Er 1558 bu'n farnwr uchel lys y Morlys a bu'n flaenllaw gyda'r gwahanol achosion morwrol a gododd yn ystod oes Elisabeth. Awgrymodd hefyd foddion i wella cyflwr cynhyrfus rhai mannau o Gymru. Bu farw'n ddi-briod yn Llundain, 27 Ebrill 1584, a'i gladdu 24 Mai yn Abergafenni, ym mhen gogleddol yr eglwys, a elwir ar ei ôl.

### Awdur

Thomas Iorwerth Ellis, (1899 - 1970)

### Ffynonellau

*Oxford Dictionary of National Biography*

### Darllen Pellach

Erthygl Wicipedia: [David Lewis](#)

### Dolenni Ychwanegol

Wikidata: [Q5236563](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

